



DEO OPTIMO MAX.

UNI ET TRINO.

VIRGINI DEIPARÆ, ET S. LUCÆ

Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS

manè discutienda, in Scholis Medicorum, die Lunæ  
vigesima-quarta Martii M. DCC. XXXII.

M. LUDOVICO LEMERY, Consiliario, Medico  
Regis Ordinario, Regiæ Scientiarum Academiæ  
Socio, & Chymix in Horto Regio Professore,  
Doctore Medico, Præside.

*An in Partu difficili, Manu potius quam Instrumentis utendum?*

I.



ARTUS ex Naturæ intentione, non succedit semper.  
Expulsioni fœtus, non semper ipsius conatus, prægnan-  
tisque molimina, sufficiunt. Ex parte Matris, sola sæpè  
Plethora difficilem facit fœtus educationem. Sæpè non  
exoneratâ prius Vescicâ, comprimitur Uteri orificium, sit-  
que dilatationi impar. Quoties Uterus Situ perverso, Prolapsu, Can-

cro, Ulcere, Hæmorrhagiâ, aliisve morbis afficitur: totidem Partus impedimenta. Ex parte Fœtus, si Brachium, Humerum, Manus ambas, Abdomen, Thoracem, Vultum, Dorsi vel Lumborum Vertebrae, Anum, Genua, Pudenda, aliasve offerat partes; si ob varios Funiculi umbilicalis implicitos orbes, diutius remoretur Fœtus, si nimia mole Caput exclusioni obstet, si Fœtum pedibus extrahendo, caput à Trunco separetur, in intimisque Uteri penetralibus, hæreant tristes infantuli exuvia; si tandem edueto infante tenacius adhæreat placenta cum membranis; artificialis efflagitetur opéra; sed iis tantum uti licet quæ Partum adjuvent, quæ Matri labem, quæ Fœtui necem vel noxam non inferant.

## I I.

**M**EDICINÆ auxilio semper indiget Partus difficilis. Natura variis retenta impedimentis, languet, ni sublevetur. Ex parte Fœtus, & ex parte Matris videas quæ obstant, sed ex parte Fœtus, & ex parte Matris quid incurrat periculi attende. Si Anatomie fides, Quid exquisitioris sensus quam Nerveo-vasculosa uteri substantia? Quid delicatius quam infantuli membra? \* Ne Cultro, Uncis, Cocleis ferreis, Laqueis, aliisve Instrumentis horribilibus instructus accedas, Matrem lædere, vivum Infantem occidere, vel frustulatum extrahere, reformida... Non lignum tractas aut lapidem, &c. . . Uterus functione, substantiâ, connexionibus delicatissima pars respicit, quidquid eam lædere, aut ipsi officere potest; ipsa Manus unguibus extremis, Uterum lædit aliquando, quanto magis ferreis Instrumentis læsio inferri potest, quippe non discernunt quæ sint tangenda. Sed Fœtui noxam inferre nonne contremiscis? Ille proprio Matris stipendio nutritus, Naturæ instructus donis, lumen etsi ignotum appetens, in ipso vitæ limine necatur vel vulneratur. Nemo obstrepat, mortuo tantum Fœtu, instrumenta usurpari. \* Fieri non potest, inquit Mauriceus, quin Fœtui mors inferatur, ad vitam Matrî servandam, &c. . . Partus uteri spasmis absoluitur, Instrumenta dilatationis, contractionisque motus, nequaquam perferunt, nequaquam possunt ratò omnibus mederi impedimentis, & incommodis obviam ire.

## I I I.

**I**N difficili Partu, vivo vel mortuo Infante, exulanda veniunt Instrumenta. Vivo reclamant omnia, mortuo vetant Ratio & Auctoritas. Si Chirurgus ut opem ferat laboriosè parturienti accersitus est, omnibus ex Arte prius perpensis, Naturam semper propius insequens, obviam cognoscat partem, eamque si operationi obstet, leniter propellat; ruptis membranis, fluentibusque aquis,

\* Deventer.  
de Arte ob-  
stetricant.  
c. 1. p. 12.

\* De Partu  
Natur. c.  
29. lib. II.

Manu, oleo vel butyro recenti inunctâ, quæreret interdum pedes; pedibus adductis eos linteo tepesfacto & tenui induat, ne aere exteriore humorum lædatur circuitus, & ut sit operatio facilior; vertat interim Infantem sensim sine sensu, ita ut semper illius vultus, Matris posteriora aspiciat; sic os Maxillæ inferioris, materna pubis ossa non offendens, operationi haud obstabit. Cum ad Thoracem fuerit deventum, leniter eum alternis manibus comprimendo, succedet caput quod adducere prudenter decet. Si tamen ob nimiam crassitiem remoram affert caput, solâ manuum vi & industriâ obstetricans potest premere ossa lateralia, & tunc capite complanato ob flexilem ossium connexionem, labori finis erit. Monstra ipsa ingenti suâ non impediuntur mole forasque integra amandantur. Hæc omnia non minus vivo quàm mortuo Infante veniunt præscribenda. Mortuo etenim Fœtu, Putredo, Sphacelus omniaque interitum comitantia, Musculis & membranis, ligamentis ipsis firmitudinem adimunt; frustra Manus Instrumenti dux erit, ea cui fuerit applicatum Instrumentum pars, discedit subito, & tunc alteram Vellicas, attrahis, quæ tamen ferrum abhorret. Sic innumeræ mulieres Recto intestino vulnerato, Vaginâ uteri perforatâ, Vesicâ apertâ, Urinam Excrementaque alia per Vaginam reddunt. Nonne Manus erudita Medici prudentis adjuta Consilio hæc vitaret ærumnas?

## I V.

**Q**UIDAM \* contendunt vivum extrahi posse Infantem Unci ope, illudque Instrumentum in Auris cavitate ita firmiter adaptandum esse ut deinde sit facillima adductio. Ast Uncus vi manuum tractus, ossa sæpe sæpius disjungit, disjunctisque ossibus, dentiformes ossium Cranii processus quidquid obstat dilacerant. Sic Chirurgus\* et si solertissimus cum Unco usus esset, ut Fœtus adduceret Caput, Uterum laniavit. \* Diversam Methodum sibi arrogat Chirurgus alter quâ Instrumentum adhibet quod vocat *Tire-Tête*, sed quàm vesana, quàm impia sit talis agendi ratio, unanimis est hodie consensus. Jure ac meritò arcendum est reticulum quò hærens Fœtus caput comprehendunt\*, illudque foris veluti bursâ implicitum, attrahunt; res sanè facilis enarratu, sed in operando ardua. Cultros omnes effugiat obstetricans Chirurgus, non licet unquam discerpere Fœtum ut sit Matris securior status. Quidam laqueis admotis Fœtui constringunt membra, Ligata repellunt, & ferè semper ligatis pedibus, brachiis, ligato capite, nec tutior nec facilior est Operatio. Instat tamen periculum, labascunt parturientis vires; Manus admoveatur, Caput ipsum si à Trunco separatum intus remanserit \* Chi-

\* Feu. Pratiq. des Accouch. lib. 2. p. 296.

\* Portal. Pratiq. des Accouch. Ob. 75.  
\* Mauricæu.

\* Amand.

\* Via del c. 324

rurgus digitos in ore Infantis immittens, illud adducet. Sic juvabitur Partus, Matrique non inferetur Labes.

## V.

**S**ED quid moror? nonne omnes Conclamant obstetricantes? Mauriceus unum Cachinnis excipit. *Peu* inculcat Mauriceum quod eo utatur Instrumento quo vita Foetui adimitur. Nullus est consensus nec de Instrumentis, nec de Instrumentorum specie. Medicis recurrant obstetricantes. Præsto adest Medicina quæ convenienti auxiliorum usurpatione, Naturam languentem excitat, vel nimis luxuriantem reprimat. Deventerius, in suo de arte obstetricandi tractatu, omnia rejicit Instrumenta, solaque Manu, sine Instrumentis in quocumque Partu omnes Infantes educit. Tandem laqueis veniunt insperata Luxationes. Unci vel Hamuli usu, innumeræ mulieres cedunt fati, Infantesque prætiolosissimis orbantur donis. Omnes igitur beneficiis fruantur Naturæ quæ Manus suppeditans, eas ita fortitudine, solertiâ, sensu, instruit, ut Matribus non incutiant timorem, adstantium sibi Consilient fiduciam, incolumem educant Foetum, Naturam denique adjuvent. Videant ergo Consules ne aliquid detrimenti Respublica capiat, ex depravato Artis usu, sentiantque omnes, Instrumenta tam Foetui, quam Matri esse noxia.

*Ergo in Partu difficili, Manu potius quam Instrumentis utendum?*

## DOMINI DOCTORES DISPUTATURI.

M. Ludovicus - Simon Enme-  
rez.

M. Claudius de la Vigne de Fre-  
cheville, Medicus Regis ordi-  
narius, & Domus Reginae.

M. Antonius de Jussieu, Regis  
Scientiarum Academia Socius  
& Botanices in Horto Regio  
Professor.

M. Guillelmus de Magny.

M. Damianus Chevalier.

M. Joannes-Baptista Silva, Se-  
renissimi Ducis Borbonii Me-  
dicus ordinarius.

M. Gabriel-Antonius Jacques.

M. Claudius Brunet.

M. Joannes-Baptista - Thomas  
Martineq, Pharmacie Pro-  
fessor.

*Autor.*

Proponebat Parisiis JOANNES-BAPTISTA CHOMEL  
DE JOINVILLE, Parisinus, Baccalaureus Medicus,  
A. R. S. H. 1732. à sextâ ad meridiem.